



Close to Home



Ua filemu se tagata talenia i lona fale fou



Ua lagona e Salah ua mafai ona toe iai se amataga fou i lona fale fou mai le Kāinga Ora, ina ua ia siitia i se atina'e fou o loo i Aukilani i le vaipanoa o New Lynn i le amataga o le tausaga nei.

“E ese le matagofie o lo’u fale fou,” o le fa’amatalaga lea a Salah. “O le fogafale lona lua e iai ma e lagona lava le saogalemu. E mafai ona faamatala le faitoto’a faasee i taimi uma.”

O le atina’e i Thom St na mae’a iā Novema 2020 ma o se tasi lea o a matou fogafale tetele.

E 80 fale, e aofia ai fale tutasi, atufālega pipii fa’atasi, ma fale maototogi. E fa’aopoopo atu ai, e iai se avanoa lanulau’ava e tausoa ai tagata uma, le ofisa a le pulega e vaايا fale, ma le potu faitele auā fuafuaga ma faatasitasiga a le afio’aga.

“O a’u o le tupu o lo’u maota,” o le saunoaga lea a Salah. “Ou te matamata atu i le la goto e sopo’ia le Waitakere Ranges mai le fa’apaologa o lo’u fale i po uma. Ua pei New Lynn o se si’osi’omaga fou mo a’u.”

E mata’ina le soifuaga o Salah. O lona naunau mo tagata ma le faatufugaga na fa’aosofia ai lona naunau e fesoasoani atu i isi.

Na fanau o ia i Aikupito, ma e lē oge manatu o ia. Na a’oga mo lana faailoga i mataupu faatufugaga i Alexandria ma avea mulimuli ane ai o ia o se tagata tusi ata i a’oa’oga e patino i ata tusitusia (surrealism) – o le talitonuga lea mai le senituri lona 20 na lauiloa ai le tusi ata o Salvador Dali mai Sepania.

Ina ua faau’u mai le iunivesite, na avea Salah ma faia’oga o ata tusitusi ma le faatufugaga i le Dante Alighieri Italian Society i Alexandria. Mai iina, na malaga e galue i le sosaiete i Eleni ma sa faapea ona nofo ai mo tausaga e tele.

FAAAUAU I LE ITULAU 05

E faamanuia atu mo lo outou saogalemu ma le fiafia i le taimi o le taumafanafana

E fai ia a’u ma sui o i matou i le Kāinga Ora, ou te fa’afeiloa’i ma momoli atu alofa’aga iā outou uma a’o tatou aga’i atu i le faai’uga o lenei tausaga.

Tele lu’itau sa fesaga’ia ma le to’atele i lenei tausaga i totonu o lo tatou atunu’u ma le lalolagi aoao, o lea matou te fa’alaeiauina ai oe, pe a fetau ma lou tulaga, o le taimi lenei e olioli faatasi ai ma uo ma aiga.

O lou soifua manuia, ma le fa’amautinoaina e mafai ona matou saunia sou fale saogalemu i totonu o lou afioaga, e tāua iā i matou. E matou te talitonu e tatau ona nonofo tagata i fale lelei ma mafanafana auā o le fa’avave lea o le tupu olaola o le tagata.

I le 2022 o le a matou ua’i atu i le matou auaunaga faapea foi fale matou te fausia, ina ia iai ni i’uga lelei i o outou olaga ma ola o le toatele o isi tagatanuu o Niu Sila.

Manatua pe afai e te mana’omia, o le a iai pea la matou vaega i lenei taimi e fesoasoani iā te oe ia maua auaunaga lagolagosua, o siaki o le Koviti-19 ma tui e fa’aitiitia ai tulaga lamatia.

O lea, ia fiafia i le vaitaimi o le taumafanafana, ia saogalemu ma ia Manuia le Tausaga Fou mo oe.

Mā te wā,

Andrew McKenzie, Pule Sili





FAAAUUAU MAI LE ITULAU 04

Ua filemu se tagata tale-nia i lona fale fou

Na faigaluega foi o se tagata e faatonutonu lifi i luga o meli tetele mo sina taimi. I se tasi aso, sa faamasani ai i se tama'ita'i i luga o le va'a ma na valaaulia ai o ia e le tama'ita'i e tafao atu i Ueligitone.

Ua silia nei ma le 35 tausaga talu ona avea Niu Sila ma ona nofoaga mautū. Ua tele vaipanoa ma aai sa nofo ai, ma faia'oga ai i le faatufugaga, e tele lava o kolisi maualuluga.

Sa faatino foi e Salah vasega e fa'aaogā ai le faatufugaga auā le faaleleia o le soifua maloloina o le mafaufau. "O le faatufugaga o se auala lelei e sasaa ai faalogona. E ave ese ai lagona natia lea e i'u ai i le lotomafatia ma mafaufauga o le pule i le ola."

Sa litaea o ia i nai tausaga ua tuana'i atu, ae o loo pisi pea. O le taimi nei o loo ia tusia se tusi o ona manatu i auala e mafai ai ona tatou ausia se olaga faamalieina.

Sa ave foi lana talosaga mo le faatupeina o lana fa'aaliga e tā'ua o le 'Three in One'. O le a aofia ai ata na ia pu'ea, ana ata vali ma fa'atagata na tā pe vaneina.

O le naunauta'iga a Salah o le taumafai lea ia faaleleia le lalolagi.

"A ou foai i isi, e toe fo'i mai iā te a'u. Tusa pe ou te nofo i se maota auro, e lē malie lava lo'u loto.

"E pei ua ou i luga o le paneta pe a ou alofa i isi ma toe alofagia mai a'u."

Faamolemole mātau: Sa faatinoina lenei faatalanoaga ma le saogalemu a o iai pea Aukilani i le Vaega o Lapata'iga 1 o le Koviti-19.

Fesoasoani i le puipuia o a tatou afio'aga mai le Koviti-19



Na lagolagoina e le Kāinga Ora le taumafaiga lata mai nei ia ausia le 90 pasene o tagata Niu Sila e agavaa ia faia latou tui puipui e tetee atu ai i le Koviti-19. O le galulue soosootau'au ma vaega i komiuniti, o komiti fa'afae o le soifua maloloina i itumalo, o faalapotopotoga tuma'oti ma ofisa faapa'aga a le malo, na mafai ai e le Kāinga Ora ona nofosauni e ofo atu le fesoasoani e saunia faamatalaga maufaatuatua ma tui puipui mo tagata i vaega eseese o le atunu'u.

Sa gaoioi le matou aufaigaluega mai le amataga ma faafeso'ota'i sa'o a matou tagata ina ia fesoasoani i le faateleina o tagata e puipuia mai le Koviti-19.



O loo matou faalaeiauina matou tagata uma, pe faigaluega iā matou pe fai konekarate, ia fai tui puipui o le Koviti-19.

E ui ina matou faalaeiau a matou tagata o loo nofoia matou fale, e o e fai tui puipui ia puipuia ai i latou, o latou aiga ma latou afio'aga, ae e matou te lē fesiligia oe pe ua fai au tui puipui pe leai.

Ae e iai fa'aeteetega e mana'omia ona utagiaina ona o le Koviti-19. O le mafuaaga ona e sili atu ona tāua le saogalemu o a matou tagata o loo nofoia fale, o matou tagata ma i latou fai konekarate. E manana'o le Kāinga Ora ia iloa e o latou tagata o loo nofoia fale, o loo latou uia auala talafeagai uma ina ia tausisia pea le saogalemu o tagata.

Ua mae'a foi ona faataatitia e le Kāinga Ora ma tagata fai konekarate e faatinoina galuega, ia auala eseese e uia mo le saogalemu.

E aofia ai le faamautinoa o lo'o maloloina lelei le fai konekarate ma lē e ana le fale a'o le'i taunuu i le fale o le tagata, le faia o mea faigaluega mo le saogalemu (PPE) e pei o le ufi fofoga, faaaogā o QR codes e faafaigofie ai ona maua faamaumauga o tagata sa fesoota'i, ma le tausisia i le mamao faatulagaina.



O nei fa'aeteetega uma mo le saogalemu na faaaogā mai lava i le taimi faato'ā maua ai le Koviti-19 i totonu o Niu Sila, ma e tausisia lava e tusa pe ua faia tui puipui pe leai.

A iai se popolega poo se fesili a se tagata, e matou te fiafia e talanoa atili i nei manatu ma avatu le faamautinoaga.



Na e silafia e 1 mai le 4 fale e mū, e amata mai lava i le umukuka?

O mea faigofie e mafai ona e faia e taofia ai le sasao o se mū i totonu o lou umukuka:



la mamā ma saogalemu lau umukuka i taimi uma

- Faamamā luga o lau ogaumu i taimi uma e mae'a ai ona faaaogā - ina ia lē faaputupu ai ga'o mai meaai e masaasaa solo ma meaai e mū.
- la fufulu e lē aunoa faamamā o le ālāasu.



Pe a fai sau kuka

- Aua le inuina le 'ava malosi a o fai se meaai i le falai.
- Aua ne'i e alu ese mai le umukuka pe afai o fai sau kuka - a lē o lena, ki faavaivai i lalo le aasa o matāafi o le ogaumu.
- la manatua e faamamao ese mai le mea o loo fai ai sau kuka, 'ie faamalama, solo fafano, totigilima e uu ai mea vevela ma isi lava mea e faigofie ona mumū.

Pe a amata ona tupu se mū

- Afai ua sasao i luga le afi mai lau falai, ma afai e mafai ona e faia ma le saogalemu, ia tapuni le falai ma tapē loa le ki o le ogaumu lea e pipii i le puipui. Afai e lē o fetai le tapuni, e mafai ona e faaaogā se solofafano susū, poo se mea mafolafola telē (e pei o se laupapa e tipitipi ai meaai) e faataatia i luga o le falai e taofi ai le toe sao atu o le 'ea okesene i le afi. Tuu ai pea iinā se'iloga ua maalili le falai.
- Aua lava ne'i asuina ni vai i le falai a o sasao a'e ai le afi.
- Aua, aua lava ne'i e taumafai e ave i fafo se falai a o sasao a'e ai le afi.
- Afai ua sasao a'e le afi i lau ogaumu, tapuni mau le faitotoa o le ogaumu, ma taumafai e tapē le paoa poo le kesi i le ki o loo i le ogaumu poo le ki autū i le pusa.



fesili mo le Fire.

MEA E FAI PE A TUPU SE MŪ



Totolo i lalo ma ia faavave ese mai le asu. **'Faapa'ū i lalo, Totolo i lalo, Vave i fafo'.**



Tapuni faitoto'a i ou tua, ina ia aua ne'i vave le sosolo o le afi.



Feiloai i le nofoaga ua fuafua e fetai uma i ai.



A oo loa i fafo, faatali ai i fafo – aua ne'i e toe alu i totonu.



Vili le Auaunaga a le Fui mū i le 111 mai se nofoaga o loo saogalemu.

Tagai i le [fireandemergency.nz](https://www.fireandemergency.nz) mo nisi manatu faaopoopo mo le saogalemu mai se mū.